

halten; das sie nur eine Geistliche gegenwart setzen; das sie alle streiten, Christi Leib vnd Blut sey so ferne vom Brot vnd Wein im Abendmal, so ferne der Himmel von der Erden ist; das sie streiten, man müsse Christi Leib allein Geistlich vnd durch waren Glauben essen vnd trincken vnd das solch
 5 essen vnd trincken heisse Christo einuerleibt werden; das man keinen rechten verstand hieruon haben könne, wo man allein bey den einfeltigen worten des Herrn bleibet vnd derselben eigentlichen verstand helt. Dagegen wir in vnsern Kirchen halten, das Brot vnd Wein im rechten gebrauch des Abendmals warhafftig sey vnd recht genent werde der Leib vnd Blut Christi vnd
 10 das vns derselbe allhie auff Erden mit Brot vnd Wein warhafft vnd gegenwertig zu essen vnd zu trincken geben werde; [K 3r:] das im Abendmal nicht allein ein Geistlich essen sey, sondern neben dem Geistlichen eigentlichen^k auch das Sacramentliche leibliche vnd mündliche essen geordnet sey; das alle die der warheit feilen,¹⁸⁴ so die hellen, festen vnd vnbeweglichen wort
 15 des Herrn Christi hindansetzen vnd denselben einen newen figurlichen verstand antichten.

VII.

Das sie festiglich gleuben vnd halten, in Corpore doctrinae werde kein andere Lere denn die obgemelte furgetragen vnd das dis eigentlichen Lutheri,
 20 Philippi, auch aller in diesen Landen bishero gethanen öffentlichen Bekennissen vnd widerholungen vnd der gantzen rechtgleubigen Kirchen Lere vnd Glauben sey, welchen allein sie höchstes jres vleisses zu studiren vnd fassen vnd fortzupflantzen sich hiemit obligiren vnd verpflichten Bey straff vnsers gnedigsten Herrn des Churfürsten zu Sachssen vnd bey verlust jrer Stipendien, wo es bey einem oder dem andern anders befunden werde.
 25

VIII.

Das sie alle vnd jede Caluinische gedruckte, geschriebene Bücher, die sie jtzund kaufft haben möchten, beneben den Lectionen vnd Collectaneen oder Commentarien jrer Prae-[K 3v:]ceptorn dem Rectori bona fide vnd bey ver-
 30 lust jrer Stipendien zustellen wollen.

IX.

Das sie zusagen vnd angeloben, alle vnd jede Sacramentische Bücher Caluini, Bezae, Martyris, Bullingeri, der Heidelbergischen Theologen, Exegesin recentem vnd was sonsten dieser sach wegen verdecktig, nicht lesen noch

^k eigentlich: F.

¹⁸⁴ die Wahrheit nicht treffen. Vgl. Art. fehlen 1 c), in: DWb 3, 1424.